

# "KEHARMONIAN ASAS PEMBANGUNAN UMMAH"

ٱلْحَمَدُ لِلَّهِ الْقَآئِلِ: يَنَأَيُّ النَّاسُ إِنَّا خَلَقْنَكُم مِّن ذَكر وَجَعَلْنَكُمْ شُعُوبًا وَقَبَآبِلَ عِندَ ٱللَّهِ أَتْقَاكُمْ إِنَّ ٱللَّهَ عَلِيمٌ خَبِيرٌ. أَشْهَدُ أَنْ لاَ إِلَهَ إِلاَّ اللَّهُ وَحْدَهُ, لاَ وَسَلِّمْ عَلَىٰ سَيَّدِنَا مُحَمَّدٍ وَعَلَىٰ بَعْدُ، فَيَا أَيُّهَا الْمُسْلَمُونَ! اتَّقُوا كُمْ وَإِيَّايَ بِتَقْوَى الله فَقَدْ فَازَ الْمُتَّقُّونَ. قَالَ يَنَأَيُّ اللَّذِينَ ءَامَنُواْ آتَّقُواْ آللَّهَ حَقَّ تُقَاتِهِ وَلَا تَمُوتُنَّ إِلَّا وَأَنتُم مُسلمُونَ.



#### Sidang Jumaat Yang Dirahmati Allah,

Marilah kita meningkatkan ketakwaan ke hadrat Allah SWT, taat kepada segala perintahNya dan meninggalkan segala laranganNya. Mudahmudahan kita semua beroleh kebahagiaan hidup di dunia dan ganjaran baik di akhirat.

#### Sidang Jumaat Yang Dirahmati Allah,

Beberapa hari lagi kita akan menyambut hari ulang tahun keputeraan Duli Yang Maha Mulia Sultan Selangor yang ke 68. Sebagai rakyat yang tinggal di negeri ini, marilah kita mendoakan semoga Raja yang kita kasihi dilanjutkan usia dalam keadaan sihat walafiat dan terus mendapat hidayah dan rahmat Allah SWT memerintah negeri kita dengan adil dan saksama berlandaskan syariat Islam.

Sehubungan itu, mimbar Jumaat pada hari ini akan menyampaikan khutbah bertajuk: "KEHARMONIAN ASAS PEMBANGUNAN UMMAH".

# Sidang Jumaat Yang Dirahmati Allah,

Islam memberi tanggungjawab yang besar kepada seorang pemimpin, sebagai satu amanah, bagi membawa golongan yang dipimpin menuju kesejahteraan hidup di dunia dan keredhaan Allah SWT di akhirat.

Allah menciptakan manusia sebagai hamba dan sebagai khalifah di muka bumi ini. Semakin tinggi rasa atau perasaan kehambaan, maka semakin layak seseorang hamba itu bergelar khalifah (penguasa, pentadbir dan pengatur) yang memakmurkan muka bumi ini dengan syariat Islam.

Firman Allah SWT dalam surah Ali Imran ayat 19:



"Sesungguhnya agama (yang benar dan diredhai) di sisi Allah ialah Islam".

Firman Allah SWT lagi dalam surah Al-Baqarah ayat 30:

"...Sesungguhnya Aku hendak menjadikan seorang khalifah di bumi...".

### Sidang Jumaat Yang Dirahmati Allah,

Islam merupakan agama yang diturunkan oleh Allah SWT kepada manusia dengan tujuan membawa manusia ke arah keharmonian dan kesejahteraan hidup sama ada di dunia atau pun di akhirat. Islam merupakan ajaran yang lengkap, sempurna dan menyeluruh dalam semua aspek kehidupan.

Sesungguhnya Islam sangat mementingkan keharmonian dalam hubungan antara manusia. Keharmonian tersebut lahir sama ada dalam ikatan yang kecil seperti keluarga, kumpulan dan komuniti atau dalam ikatan yang lebih besar seperti suku kaum, bangsa dan ummah.

Ajaran Islam juga menganjurkan penganutnya untuk hidup dalam keharmonian. Anjuran tersebut tersirat dalam al-Quran melalui sifat-sifat positif yang dinisbahkan kepada kita dengan *Ummah Muslimah* (umat Islam),



Khaira Ummah (umat yang terbaik); dan Ummatan Wasatan (umat pertengahan).

Umat manusia pada asalnya umat yang satu dan kemudian Allah SWT mengutuskan para Nabi untuk membimbing manusia supaya beriman dan hidup harmoni di atas muka bumi Allah ini.

Firman Allah SWT dalam surah al-Baqarah ayat 213:

"Manusia itu adalah umat yang satu. Kemudian Allah mengutus para nabi, sebagai pemberi khabar gembira dan pemberi peringatan, dan Allah menurunkan bersama mereka Kitab yang benar, untuk memberi keputusan di antara mereka tentang perkara yang mereka perselisihkan".

Sehubungan itu, ada riwayat mengatakan bahawa:

"Antara Nabi Nuh dan Nabi Adam as. Berselang 10 generasi, kesemuanya berpegang kepada syariat Allah, kemudian terjadilah perselisihan antara mereka, lalu Allah mengutus para nabi yang menyampaikan khabar gembira dan memberi peringatan".



#### Sidang Jumaat Yang Dirahmati Allah,

Kehidupan yang aman, tenang dan harmoni merupakan cita-cita segenap lapisan rakyat dalam sesebuah negara. Dengan adanya keharmonian, rakyat dapat melakukan pelbagai pekerjaan bagi meningkatkan pencapaian diri dan keluarga disamping mendapat keredhaan Allah SWT. Manakala di pihak pemerintah pula, keharmonian yang wujud akan membolehkan pelbagai perancangan dibuat bagi membangunkan ummah untuk mencapai kemakmuran hidup di dunia dan di akhirat.

#### Sidang Jumaat Yang Dirahmati Allah,

Malaysia merupakan antara negara yang mempunyai rakyat berbilang kaum, etnik dan agama. Ia bukanlah halangan untuk membentuk keharmonian dan kedamaian.

Sebagai orang Islam, kita mestilah mempunyai keperibadian terbaik untuk menjadi contoh kepada orang-orang bukan Islam. Sebagai contoh Rasulullah s.a.w mengajar umatnya berlaku adil dan tidak mengurangkan hak-hak Ahli *Dzimmah*. Sabda Rasulullah s.a.w:



"Sesiapa yang menzalimi seorang mu'ahid (ahli Dzimmah) atau mengurangi haknya, atau membebaninya melampaui kemampuannya atau mengambil darinya sesuatu di luar haknya, maka akulah menjadi lawannya".

(Riwayat Abu Daud)

Sesungguhnya keharmonian itu perlu dipelihara, perlu diusahakan secara berterusan. Langkah-langkah strategik perlu dilakarkan dengan mengambil kira konteks, situasi, peredaran zaman, perubahan sikap dan kebiasaan. Antara yang disarankan oleh ajaran Islam supaya menjadi umat yang wasatiyyah sepertimana firman Allah SWT dalam surah al-Baqarah ayat 143:

"Dan demikianlah (sebagaimana kami telah memimpin kamu ke jalan yang lurus), kami jadikan kamu (wahai umat Muhammad) satu umat yang pilihan lagi adil supaya kamu layak menjadi orang-orang yang memberi keterangan kepada umat manusia (tentang yang benar dan yang salah) dan Rasulullah (Muhammad) pula akan menjadi orang yang menerangkan kebenaran perbuatan kamu...".

# Sidang Jumaat Yang Dirahmati Allah,

Kesimpulannya, untuk melahirkan keharmonian, kita hendaklah menghayati etika kehidupan bermasyarakat antaranya:



- 1) Hendaklah kita memastikan menjadi umat yang terbaik dengan mengamalkan ajaran Islam dalam setiap aspek kehidupan.
- 2) Hendaklah berusaha membentuk keluarga Muslim yang menghasilkan kebahagiaan, ketenangan dan kasih sayang.
- 3) Hendaklah meninggalkan sifat mazmumah seperti hasad dengki, tamak haloba, degil, angkuh, sombong dan suka bermusuh-musuhan.
- 4) Hendaklah berusaha merealisasikan hubungan dengan Allah SWT melalui pengamalan dan pematuhan ajaran dan syariat Allah.
- Hendaklah berusaha dan bekerjasama bagi membanteras segala kemungkaran dan penyelewengan dalam apa juga bentuk yang berlaku dalam negara.
- 6) Hendaklah merealisasikan hubungan lebih harmoni sesama masyarakat, jiran tetangga, rakan taulan, pemimpin dan rakyat seperti yang dilakukan oleh Nabi Muhammad s.a.w ketika mengasaskan Negara Islam pertama di Madinah.

أَعُوذُ بِٱللَّهِ مِنَ ٱلشَّيَطَنِ ٱلرَّجِيمِ
وَلْتَكُن مِّنكُمْ أُمَّةُ يَدْعُونَ إِلَى ٱلْخَيْرِ وَيَأْمُرُونَ بِٱلْعَرُوفِ
وَيَنْهَوْنَ عَنِ ٱلْمُنكِرِ وَأُوْلَتِهِكَهُمُ ٱلْمُفْلِحُونَ فَيَ الْمُنكِرِ وَأُوْلَتِهِكَهُمُ ٱلْمُفْلِحُونَ فَي



"Dan hendaklah ada di antara kamu satu puak yang menyeru (berdakwah) kepada kebajikan (mengembangkan Islam), dan menyuruh berbuat segala perkara yang baik, serta melarang daripada segala yang salah (buruk dan keji). Dan mereka yang bersifat demikian ialah orang-orang yang berjaya".

(Ali-Imran : 104)

بَارَكَ اللهُ لِيْ وَلَكُمْ بِالْقُرْآنِ الْعَظِيْمِ, وَنَفَعنِيْ وَإِيَّاكُمْ بِمَا فِيْهِ مِنَ الْآيَاتِ وَالدِّكْرِ الْحَكِيمِ وَآتَهُمْ بِمَا فِيْهِ مِنَ الْآيَاتِ وَالدِّكْرِ الْحَكِيمِ وَتَقَبَّلَ مِنِّيْ وَمِنْكُمْ تِلاَوَتَهُو, إِنَّهُو هُوَ السَّمِيْعُ الْعَلِيْمُ.

أَقُولُ قُولِي هَاذَا وَأَسْتَغْفِرُ اللهَ الْعَظِيْمَ لِي وَالْمُسْلِمَاتِ، وَلَكُمْ وَالْمُسْلِمَاتِ، وَالْمُسْلِمَاتِ، فَاسْتَغْفِرُوهُ إِنَّهُ مَهُوَ الْغَفُورُ الرَّحِيمُ.



# KHUTBAH KEDUA

مْدُلِلَّهِ الَّذِيْ جَعَلْنَا مِنَ الْمُسْلِمِيْنَ، وَرَزَقَنَا مِنَ مْ وَبَارِكُ



لِلْمُسْلِمِيْنَ وَالْمُسْلِمَاتِ وَالْمُؤْمِنِيْنَ وَالْمُؤْمِنَاتِ إنك مِنْهُمْ وَالْأُمُوات، قَاضِيَ الْحَاجَاتِ ويا نَسْأَلُكَ وَنَتُوسَا ﴿ إِلَيْكَ بِنَبِيْكَ الْأَمِينِ، بأَسْمَآئِكَ الْحُسْنَى وصِفَاتِكَ الْعُظْمَى أَنْ تَحْفَظَ الرَّبَّانيَّةِ وَبحِفْظِ وقَايَتِكَ الصَّمَدَانيَّةِ، كِنَا الْمُعَظَّم سُلْطَان سلاَّغُور، سُلْطَان الدِين ادريس شاه الحاج ابن حُ الدِين وَالتُّوفِيْقَ، وَا العُون والهداية مِنْكَ، لِوَلِي عَهْدِ سَلاَغُور، إبن السُّلطَان الدِين ادريس شرف



الحاج فِيْ أَمْنِ وَصَلاَحٍ وَعَافِيَةٍ بِمَنَّكَ وَكَرَمِكَ يَا ذَاالْجَلاَلُ وَالإِكْرَامِ. اَللَّهُمَّ أَطِلْ عُمْرَهُمَا مُصْلِحَيْنِ لِأَلْمُوطَّفِيْنَ وَالإِكْرَامِ. اللَّهُمَّ أَطِلْ عُمْرَهُمَا مُصْلِحَيْنِ لِللَّهُ وَالْبِلَادِ، وَبَلِّغُ مَقَاصِدَهُمَا لِللَّهُ وَالْبِلَادِ، وَبَلِّغُ مَقَاصِدَهُمَا لِللَّهُ وَالرَّعْدَةِ وَالْبِلَادِ، وَبَلِّغُ مَقَاصِدَهُمَا لِطَرِيقِ الْهُدَى وَالرَّشَادِ.

Ya Allah, Engkaulah Tuhan yang Maha berkuasa, kami bersyukur kehadrat-Mu yang telah mengurniakan kami rahmat dan nikmat, sehingga kami dapat meneruskan usaha ke arah memperkukuhkan negara umat Islam khususnya negeri Selangor, sebagai negeri yang maju, sejahtera dan berkebajikan.

Justeru kami pohon kehadrat-Mu ya Allah, tetapkanlah iman kami, terimalah amalan kami, kukuhkanlah perpaduan kami, murahkanlah rezeki kami, kayakanlah kami dengan ilmu yang bermanfaat, suburkanlah jiwa kami dengan budi pekerti yang mulia, kembalikanlah kami ke jalan yang Engkau redhai, lindungilah kami daripada bala bencana dan ujian-Mu yang berat supaya dengan demikian, negeri kami akan sentiasa bertambah makmur dan berkat.

Ya Allah, bukakanlah hati kami untuk mendirikan solat fardhu lima waktu dan ibadah zakat sebagaimana yang telah Engkau wajibkan. Berkatilah hidup orang-orang yang melaksanakan tuntutan berzakat, menyayangi fakir dan miskin. Sucikanlah harta dan jiwa mereka, lindungilah



golongan fuqara' dan masakin daripada kekufuran dan kefakiran yang berpanjangan.

Demikian jua Ya Allah, tambah dan luaskanlah rezeki orang yang mewakafkan hartanya, terimalah wakaf mereka dengan ganjaran pahala yang berkekalan hingga ke hari akhirat.